



華山情

「華山」是一個好所在，阮去過幾若擺，逐擺擺是暗頭仔去，順繼看夜景。毋過，這擺是猶未黃昏就去到華山，阮毋但看著美麗的夜景，嘛有看著日頭欲落山的嬌。

彼下晡四點外，阮佇山路咧行，看著遠山疊近山，一重山、兩重山，予阮想起李後主的詩〈長相思〉，伊就是共相思譬論做山、譬論做天遐爾深、遐爾遠。遮的茶園一坵閣一坵，敢若像樓梯；檳榔樹一欖閣一欖，敢若咧倚衛兵。柳丁樹頂，結甲滿滿是的柳丁，若像一直共阮攞手。這陣，山風微微仔吹過來，親像咧洗冷水遐爾仔透心涼。

日頭掛佇西月的天邊，四箍圍仔的雲，予日頭光照甲金光閃閃，有白的、有黃的、有紅的。金燦燦的雲就敢若金魚的魚鱗，一片仔一片鋪佇天邊，講佢爾仔嬌就有佢爾仔嬌。

日頭的光線慢慢仔細去，日頭嘛寬寬仔落落去，杳杳仔細粒去，色水嘛愈來愈紅；繼落去，日頭煞去予雲罩咧。頭起先罩一寡仔，閣來賭無半粒。閣過一睏仔，就勻勻仔覘入去雲裡，干焦佇天邊賭一屑仔爾爾，有淡薄仔光線對雲裡射出來。過無佢久，天頂的雲毋是紅的就是烏的，啊無就是紅透烏的，就親像紅寶石，若紅龍的魚鱗片咧。閣一時仔，紅雲愈來愈少，烏雲愈來愈濟，天頂親像貼一塊真大塊真大塊的烏絨仔布，烏絨仔布破幾若空，逐空攞去予紅墨水點著，後來，日頭就規粒攞覘起來，連一絲仔光線嘛看袂著，天就按呢規个攞暗落來矣！

今仔日的華山，雲、霧霧恰水氣攞誠厚。阮擲頭一下看，看袂著天頂的天星。毋過，細葩電火珠仔掛佇樹仔頂，佇遐閃閃燦燦，看起來嘛有無全款的嬌。阮坐佇樹仔跤欣賞夜景，看近山恰遠山的燈海：西月是「南二高」的燈海，西北月是「古坑休息站」的燈海，北月是「劍湖山世界」的燈海。一簇一簇的燈海就敢若烏暗中的蠟燭火，共你、共阮照路，予咱行光明的大路。

這陣，阮看著樹仔頂有一隻蜘蛛，當無閒咧吐絲牽線。看伊跔懸跔低，來來去去，毋驚危險，毋驚艱苦，予阮想著一句話：「做雞著筊，做人著反。」連細細隻的蜘蛛嘛全款，為著欲活落去，全款愛拍拚，才會當過好日子。

作者：韓滿

☆詞彙學習☆

【暗頭仔】àm-thâu-á：傍晚、天剛黑的時候。

【譬論講】phì-lùn-kóng：比方說。譬如、舉例來說。

【攞手】ià-tshiú：招手、揮手。

【罩】tà：覆蓋、籠罩。

【點】tò：暈開。液體滴在紙或布上而散開、滲透。

【霧霧】bông-bū：霧。空氣中接近地面的水蒸氣，因遇冷凝結成小水滴或冰晶，而漂浮在地表的一種現象。能見度低於一公里。

【做雞著筊，做人著反。】Tsò ke tiòh tshíng, tsò-làng tiòh píng.：做雞就要用爪子去撥開而尋取食物，做人就要努力工作。